

紫峴山人全集

紫峴山人詩集卷十五

湘潭張九鉞度西著

姪孫家栻重刊

海南集

乾隆甲午乙未丙申丁酉

先生既調海陽逆知其不免也有詩云此身如海燕飄轉任西東甲午六月大水撫卹既竣勸輩人種樹禁私墾漏稅潮之人德之如保昌一口颶風大作韓江水倒灌入城賦颶風行自責七月河西公卒歸羊城以海盜連劫商船降職監前在事而先生罹其咎焉著海南集

將之海陽作

積水浮天地冥冥四月風州懸窮嶺外人去瘴雲中華鬢凋潘岳
丹砂愧葛洪此身如海燕飄轉任西東

得李潮陽南礪書

西風明待發先見故人書滿眼誰知己頻年各索居燈花帆影外
海色曉鐘初到日離支熟論文更起予

泊舟波羅江上

作宦苦炎徼移家復海陲
交迂朋舊集鄉遠夢魂疑
亂漲扶胥口連山赤帝祠
今宵一溪月踟躕欲何之

由官寮放舟楓溪

密竹團團市低榕曲曲篷
林藏三月雨潮折一溪風
稻沒初銜蜢山涼欲語蟲
夏初有秋意煙水已空濛

龍川懷古

任囂謀略毅如神趙尉梟雄老更眞
一令獨憑興霸地三關早授用
兵人山川鬱勃猶南武事業經營在
謫民誰識碧桃花底客洞門高瑣古
時春

霍山石枕洞秦時高人
所居今枕花盤記

大海打漁歌

西南風起海腥黃九月十月魚出洋
人家千人拖一網泉麻堆積

來衡湘漁船出口官編記短槳布帆烏銃銳蒼山開浪二海船名畏見
之出沒縱橫嗟便利大船提網奮勇入勢與風濤相競急那計長
沙與暗礁北洋嫌少南洋集小船跳躍風捷絡海包山互沓合
昆明習戰少旌旂來往重溟天織罟一網潑潑鱗百萬碁布星羅
波燦爛不知魚族與魚名捆載車馱無取竄黃頭龍女飛標輕擊
殺橫海千丈鯨旋船一撇如火鷹機鉤手握眾不驚紅錦纏頭椎
大鼓死踏潮來目雙炬膏油山積那敢取手提金錢擲珠女今年
風多無鐵鷁兩次出洋賈三倍官場鹽賤不論秤戶船船有魚
賣昨宵風雨走天吳蛟龍徙宅愁不呼珊瑚洲上無顏色島夷側
目誰奔趨君不見江漁網罟操勤劬往往終朝不獲魚海漁名號
皆驍徒高門大廈吹笙竽

程清泉禮南訪我海上

別君在瀟湘思君歸京口聞君松寥山高臥不得久翩然駕彩虹
片帆破南斗昨過梅銷城猶有梅花否卻尋虞功曹繫艇珠江柳
意氣鸞鳳翔功名牛馬走天涯此夢寐秉燭對白首君才駕高浪
雲夢吞八九嗟我塵土骨鬱鬱亦何有海上萬古山花前百壺酒
用以持贈君使君顏色厚看君行篋詩會作蛟龍吼

鳳塘村食荔歌

鳳塘村產荔枝號鳳毛品爲潮州第一

昨日積雨今日晴潮州荔枝紅滿城使君食之不快意拏舟曉向
鯤江行鳳塘村壓鯤江厓白玉琢堤青玉街回汀通水作園圍連
村編竹垂荆柴銅柯交橫黑葉鬱冥冥碧草煙茵麗入門十萬顆
虬珠流下元蟬聲滿地朝陽欲出露未晞火雲沈滴天漿肥鳳毛
五色搖晃羨惜之不裂絳羅衣左攀右摘適幽趣滑手勻圓醴醴

聚羅浮玉女洗頭來亂走水晶盤不住噉之三日神蕭爽蒼苔偃
臥無言想仰空海色出青蒼漸看汨汨香潮上從來但說色香味
三日見之能辨異安知到午即離枝糟粕徒存神采廢君不見唐
吏部園絲荷苞又不見李孝康家丁香核金錢邪許隔牆擲閨中
翻倒楓亭驛如今高門大宅皆塵埃枝柯伐盡無根荻人生如此
大嚼亦快哉何必增城挂綠綠荷苞丁香核皆潮州荔枝佳品挂綠一種出增城隍甘
泉先生手種
名尚書懷

颶風行

颶母八方風自南起至南止曰回南七十二颶獐龍最
惡每歲鬼宿節則有颶粵人以此占候歲多雷聲則不
起起聞雷即息

八風戰天颶母來鐵騎蹴踏爭聶元冥慘戚白晝晦日南象郡

安在哉。猊龍驅海上，天立雨勢橫。擊風怒疾沈沈人，界在須臾鬼
神禁之，不敢集城外之石城內。打半空鏘鏘鬬屋瓦，十圍松柏拔
地飛望者駭仆壓。欲下韓江直入穿城濠，六街洶湧翻狂濤。呼爺
號婦各不見，馮夷似欲防奔逃。三溪鬱鬱那得洩，一州呼吸如鴻
毛。五更風力猶軒簸，椽桷急以回南賀。兒孫稍來始屬我，以手撫
摩翻淚墮。前年廣州五日颶，浮屍蔽江相枕臥。今年幸無鬼打節，
虹不飲海颶少懦。天心仁愛聊示警，餘生不慶誰能那。天明步出
潮城隅，敗牆塞道人畏趨郊原。寥寥禾稼沒大船，高檣嗟蕩除虎
豹。徙江屋挂樹，何況千家萬戶牛羊豬。炎日黯淡失顏色，長空仰
望猶喪魄。煌煌祀典列風伯，胡忍以颶爲民厄。歸來卻坐自歎息，
我願祝融秉笏訴蒼昊。驅使雷公下炎島，盡擲七十二颶颶母死。
使我百穀用成，百姓皆壽考。

海聲行

素如雷雨騰空來驟如萬馬沙場迴轟如鐘鼓明堂開咽如寡女
機絲哀長鰲不怒鵬不翔腥風入戶搜人牀孤城搖搖落月黃南
斗墮水天蒼茫將軍聞之杯忽停柔絃急管愁零丁我亦舉頭悄
怳聽不知所以雙涕零燭昏客散池水波扶桑花落空庭多海聲
海聲奈爾何

北寨

礮臺南北插江青花發龍髯金翅停日落紅頭船又上南風吹起
鰲魚腥

門關司小解

海氣蒸騰萬馬趨亂山如戟插菰蒲空江欲雨不得雨榕葉一庭
啼鷓鴣

浮洋市

浮洋市南金石宮，人家桑浦山之東。
平野穿舟潮活活，夕陽擁樹煙濛濛。
紅橋數點離支寺，白鳥一痕菡萏風。
豐年作吏拙亦稱，喜聽邨鼓聲逢逢。

法光寺

白雲出寺復入寺，幽鳥呼人還避人。
山氣微黃雨欲上，稻痕一碧天無垠。
吏懷寥落無歸計，世事支離剩病身。
彌勒半龕思乞得，仰看古柏統龍鱗。

登韓山

韓山秀以松，三峯矗天外。
嘘吸六州煙，錯磨一城黛。
江流澄不波，長橋連青靄。
遠色昔在眼，茲遊謝軒蓋。
餘甘揚其華，龍荔乃實綴。
得非有夙期，適與新霽會。
大海洗高頂，歷歷見炎界。
湖鏡分東西。

郊繡列方野百感出飛揚雄風落唾咳舊亭柱礎無石徑陂陀壤
世無林太守誰與重藻績地因文章大事以乘除待浩歌夫何如
明晨片帆挂

謁昌黎先生祠

我攜萬古心浩蕩登東峯仰瞻韓公祠晴雲白蒙茸橡木春無花
空庭偃蒼龍開闢有日月挂在唐時松一山自雄長眾嶺皆附庸
公昔騎麒麟辭帝蓬萊宮手提元氣來青天驅祝融蕩滌蛟鱷腥
始覩乾坤容海水簸南珠明堂振笙鏞惜哉區冊輩難逐籍湜蹤
平生一瓣香鬱此百怪憎恨不八荒外霞珮隨琤琮百川挾狂瀾
滔滔正赴東四顧立莓苔憂來但懔懔

夜投龍湖書院宿項文學粹菴齋中

南風生海煙萬木寒鬱蒼鷗鵠蔽葉飛始覺天意霜我行將何之

冉冉隕夕陽不爲故人來忽訝燈燭光執手相慰勞辛勤具壺觴
結交皆浮雲繼繼以文章螺蚌雜芹韭素心揚其芳萬言穿經義
四壁貯古香胡爲越多才遺之在遐方夜深鼉更鳴披衣開門望
明月曳江天星斗搖林塘與君永不寐待曉坐中堂餘生憂患多
後會安可常

青龍廟下作

靈祠片石倚江濱世代迢遙記未真信有蜿蜒來儻忽仰看圖畫
轉嶙峋深林落日驅山鬼黑浪長風拜海人祀典由來因捍禦神
簫社鼓莫違民

近有欲禁民報賽者以神示現而止

靈槎樓歌爲王生湘南作

靈槎樓在澄海縣署前康熙乙丑七月七日余邑王山
長先生宰是邑時有巨木自海上浮來長七丈圍一丈

二尺中空一丈餘，槎形不知何木。先生作浮槎賦，名
人皆爲詩紀見了菴文集。與澄海志中先生庀木建樓
名曰靈樁，宏麗甲海上。湘南先生元孫余姨姪壻訪余
於海上，過澄海登樓，謁先生主歸，請余爲歌以紀其事。
王郎昨登靈槎樓，歸來索我靈槎詩。浮槎之賦我讀七十載，茲樓
朝夕恣怳欲登之。吁咄哉此槎，吾不知其生幾萬載。來幾萬里或
爲崑崙九櫺之木，或爲扶桑十日之枝。上帝旣命雲斤與月斧，誰
令瑤宮璇室失此棟梁。姿翻然騰擲作散木，鯤鵬嬉遊南溟池。九
年稽天洪水漂不沒，四萬沃焦轉泄無由施。其放浪也如此，胡爲
泥沙束縛偃臥窮海涸。吁咄哉此槎，來以七夕期。漢使不敢乘羽
客，不敢騎左挾陽侯。右馮夷大荒蠹菌蒼龍皮，三千水犀縮手望
馬人。蜃戶顧睨眙瑯琊先生見嗟咨，牽入堂下行躑踞。命呼巨工

爲攻治此槎俛首就繩尺一洗洪濛鬱律之氣何淋漓吾聞茲樓
崛起雄炎陞光怪儼忽神所司前攬珠厓象郡之浩渺後控七閩
五嶺之蔽虧天孫驅河洗沆瀣七襄織錦羅采恩三山搖搖駕六
柱闌干鼉首飛參差斜陽倒影珊瑚樹蔚藍一髮紅琉璃長虹盡
掃颶母死鼉鼓不動天垂旗先生才大官且卑苦吟瘴濕愁低眉
一朝雙舄踏樓去翩然披髮騎文麒士民望之猶下拜四時元馭
來棲遲我爲先生鄉後進望而不見爲涕洟耶今南來貧且羈俛
仰祖德奠一卮且須更讀靈槎賦慎勿愁賦登樓辭咄哉此槎何
以爲古來材大難爲用不見杜陵老柏鬱鬱歌且悲

韓江樓成柬茂園觀察

城壓金山山壓樓樓前衮衮瘴江流平分極浦千帆勢直控青冥
萬里秋飛鳥斜陽連海氣澹煙喬木抱潮州文章太守匆匆別獨

倚危欄起暮愁

寄別戴聿新揭陽

黃金散盡身不死蓬頭病臥蠻江水白雲壓嶺豺虎多日望天西
啼未已潮州別君荔枝家廣州又落紅梅花寒風計日衝嶺出春
江二月桃抽芽鯢魚吹腥漲海黑君今尙作潮州客酒酣北望澤
嬰城莫怨欲歸歸不得君有倚閭待甘旨負米辛勤墨萬紙補成
南陔白華詩懷之可以獻

天子我撝霜雪歸舊居無田可耕溪可漁神仙富貴兩黜昧蕭然
赤腳騎短驢誓抱殘書入衡嶽尋我懶殘枯老宿仕宦縱過六白
石不如讀經臥松壑蓼洲之上君親廬隔年應有潮州書刺黎陽
遍蘆芽熟尙念同餐刀鯪魚

立夏日田參軍瑩玉攜酒登韓江樓望雨作

樓倚絕壁之半，下臨韓江危梯仄檻。亭臺浮空境極奇，
險觀兩觀月尤爲勝景。

春辭海國天冥冥，白蜺風起城濕腥。羈人愁寂何以破，江樓驚語
催丁甯。田郎豪氣無與儔，爲我置酒樓上頭。老榕掃臺倚突兀，寒
陰蟠作蒼龍虬。急雷劈江江怒立，萬電金蛇劃波入。沈沈雨脚驅
山來，樓底龍雷撼人泣。跳珠濺玉傾簷響，石床文城如傾掌。散下
香泉百道飛，不知身跨銀河上。江靈鬱律不得逞，簸林蹶岸聲淒
緊。說劍論詩直角雄，劍解劈柑相競騁。橫雲作帶東雨止，斜陽射
峽歸帆起。漲天萬岫洗純青，浮市半江拖淡紫。主人移席虛無巔，
狂濤足底號迴旋。蕭蕭月出銜絕壁，山木都入荒唐煙。翠旂芝蓋
駕鼉脊，蕩漾森沈水精闕。漁燈散浦寺鐘收，長空遠鏡浮輕雪。精
靈偏側那可久，既飽歡娛且分手。誰爲後會與君期，獨立江頭更

回首

林少尹翰臣邀登韓江樓二首

懸崖翠磴又同攀，短袷論心霄漢間。
四月鶯花餘白社，一樽風日此青山。
樓開海國誰今古，地乞吾曹任往還。
晚歲交君材更好，將詞賦動江關。

黃梅雨洗海煙腥，漲滿金堤接杳冥。
出峽雲移千樹白，隔江山踏一樓青。
身隨地勢分圖畫，席做天光見性靈。
沉醉不知誰主客，漁歌梵鼓倚欄聽。

楓口待潮

飢軀那敢息沿月，繫征橈江濶黃蠅雨。
山分牡蠣潮餘生，羞薄吏萬事鬪中宵。
嗟爾投林鳥，予方愧寂寥。
驅本

榕江雨霽

嶺色戎戎惡江雲黯黯圍驅潮知海力鬪雨見虹威水拍蜻蜓亂
沙含短蜮飛宦遊今兩倦天意尙遲微

玉溪阻漲

放浪將安託迂迴尙此行慵隨雙槳臥驕見眾帆橫稻碧風無岸
榕涼雨有聲名場思往事真悔棄諸生

流黃鎮對月

今夜流黃月含愁獨照行難乾兒女淚稍作故鄉明露氣涼初下
江流漲有聲萬山頭白盡栖鳥亦驚鳴

三河鎮

去夏被水
冲決最甚

汀州萬水挾梅州到海奔騰怒未休漲吼雙巖翻巨象天懸孤壩
走長蚪頽沙古市枯榕出近壑人家早稻收潮郡下游關不細隄
防早切大官憂

野泊

待月元依浦，當風便繫船。
星飛半江火，竹噉萬峯煙。
跳鯉隨灘下，流螢狎浪旋。
飄魂無夢寄，況乃不成眠。

蓬辣灘口號四首

東行樂昌瀧，西行蓬辣灘。
灘水無險巇，行人自艱難。
橫穿曬甲石，直接三河壩。
只道青天高，青天在灘下。
三蓬上趨捷，六蓬上娑拖。
女兒掉船尾，更唱潮州歌。
擔篙恐不直，牽簰苦不長。
安得打兩槳，送儂還故鄉。

西陽大水行

火雲燒空燄四起，青蛙走樹蛇渡水。
長年覲視行威遲，十里五里還徙倚。
西陽繫舫憩勞根，纖波不動熱月昏。
火龍夜欲鞭白日，江氣騎亢山鬱煩。
三更噩骨潭蛟立，赤電驅雷榜人急。
狂風倒翻坤

軸飛雨作天河破篷入瞋沙鏗銅屋瓦打船尾不磨船頭馬舟燈
岸火撲無光鬼神窟宅鴻毛下洪濤拔樹如拔蒿似已突過懸崖
高斷查枯沫不知處勢與船戲相攻鏖跳號永夜聒未休我亦危
坐寒颼颼雞聲始喜人界出眾雞相對潛淚流居民侵曉高岡徙
前提老翁後孀子殘筐破櫝羣舁行栗吟禾畦傷披靡去年梅州
水沒城中雞犬晝不鳴決廬蕩墓浮屍下枕藉誰辨弟與兄亦
思轉徙向他郡官府恩卹如孩嬰數百年來災偶值祖宗鄉土東
豈輕但保倉皇有骨肉那計狼藉無秋成潯陽川氣黃蘗翁坐駭
喧虺旋渦狎南船得失轉瞬間愁見飛鷺墮跼跼移舟三日依澄
灣岳米白罄猶欲顏流行坎止信有數倚窗且看西陽山

陰那山行寄李潮陽南樵

山在大埔縣界爲唐慚愧禪師道場崖徑險阻遊者絕

少至明王文成公始至此見集中詩

陰那之山雄且妍二百餘里根盤聯岡嶺參錯不可狀惟見五峯
如火燒破南離天巨壑一掌落靈液洪濤欲拍羅浮肩胡爲儲貳
佐命之者錫不到洞天獨飲固經篇至今綠能醅醅元猿咆嘯猿
崖巖以圍絕吼澗壑之潏潏潮陽令尹南樵仙述我絕景心茫然
前日中櫬渡乍見峯西偏惡嶺又虧蔽百丈愁牽緣晚來松口清
夷曠愛而佇立情迫煎夜夢祝融君迎我雙紫朝紺髮童子前致
辭三日待子何遷延天雞叫日掃絕頂排空突兀堆銓船白雲不
往亦不還靈禽錦雀去渺綿江容容乎欲雨木懔懔兮生煙鐵橋
橫支瑤草窟松窩深擁琅玕田月湖桃花一萬片四時流作春霞
鮮君不見慚愧老僧此安禪手種十圍虬柏走連蜷鄉人祀之道
場內神簫社鼓時喧闐山川顯晦在騷客幽討能奪真宰權世寰

昏嫁已粗畢，仕宦令僕終。無緣風光如此拋棄去，參差笑殺黃杜鵑。
鵑作書報與南樵仙，布鞋已縛青行纏。更挂猢猻藤子杖，中峯險
處窮其巔。蓬萊徑尖捫斗極，佛光坐湧兜羅圓。不願驂茅龍兮駕
白鹿，但願一瓢一卷日日摩挲琴石來高眠。
處虬柏榭槐鄧師手植山有靈禽
錦雀黃杜鵑四時不絕皆異品也

松口食荔行寄海陽楊吏部胤峯

扶荔宮中移不得，紅雲宴裏拋可惜。祝融種出小丁香，付與乾坤
老遷客。龍珠曉壓鯨珠來，海風燒滿紅玫瑰。撲舟初濕繡被堆，捲
幔倒走珊瑚杯。玉指剝出赤魚胎，滑若脫手驚翠釵。若爲蒸作東
江水，便是南嶽瓊酥醅。楊夫子，仙署郎，歸來一齋臥鳳塘。朝朝飽
噉鳳毛香，面如桃花雙瞳方。我今欲去還徬徨，安得從子程放鄉
我騎芝鹿子彩鳳，更呼四百七十二君同徜徉。三霄露飽神女漿。

種輦篇

家賦注輦音斜粵中山險陡可種者曰輦人曰輦戶見諸史中

大輦輟高插天，猱頭鷹墮愁攀緣。小輦破礮互倚伏，木楯竹笆低架屋。輦人走險不用徑，側耕危穫爲性命。燔山伐石虎爲悲，欲闢千峯萬峯聲。吾聞梅州循州木所都，土堅石潤泉不枯。誰欺黠民欲網利，一朝雍之無根株。亦有官山本磽瘠，輦人私之爲種植。牛黍包穀與旱稔，煙草更聞多似麥。土無附麗岩失固，旱不致雨潦崩圯。五月六月狂霖瀉，建瓴水自江閩下。頽沙壓入萬溪流，直捲三河色翻赭。梅州上游已掀播，潮州釜底驚殺我。海口分支八港隘，急水咽喉一門鎖。長隄如線城如毛，沙勢橫打湘子橋。二十四甕半成阜，千車震撼無昏朝。去年六月水上城，三版未沒如懸旌。城外船繫城內樹，鼃吼不聞號泣聲。浮屍抱肘掃橋走，怒沙挾之誰敢撓。乾隆初年兩月雨，父老逢之無此驚。况復洲頭大駟儉

種草奪洲江轉隘陞科緣姦計毫釐官失勾稽胥吏快大官屢下
疏濬議十萬金錢之經費空言無補袖手觀填薪負土須臾計燕
雀處堂魚游鼎一城無恙豈天意嗚呼此患匪由沙誰其首旼在
種華五行水土交用當爲天地留精華潮州財賦甲諸郡利害
大小懸等差

朝廷令甲勸種樹私墾漏稅法所加裁成輔相有深意願爲告諭
窮幽遐毋令杞人日夜興憂嗟

梅州漫興

梅峯之麓古梅州中貫梅江一綫流山勢萬蟠趨嶺北濤痕五月
上城頭白沙翠竹程旼宅片石孤雲鐵漢樓何事今年氣衰颯哀
猿聲咽百社洲

槐潭

烈日落峯稜江流一半澄
榕陰舟聚爨竹外岸懸層
赤剎隨漁叟
籠登耐野僧好風吾已乞
坐待月東升

作客

作客雲山變辭家歲月深
風塵餘謫宦兒女半蠻音
阮籍狂非昔
心不禁江潭未顚顚休作卜居吟

清溪越嶺至老隆市四首

風古木亂雲間匹馬人留萬古山
自是蠻人懷舊德一叢祠宇

小藍關

藍關在秦中非茲地蠻人思韓公之德故強名之余欲易以小藍關庶正訛又便俗也

雨欺衰病似河懸
幔山風太劇顛
隻候笑人停不得
牂牁西上

更青天

亂山排戟刺炎穹
蛤吠荒陂蟬咽風
不用行人更腸斷
明晨溪水各西東

一巖初入松風聲，一溪忽轉千花明。溪雲作雨無定態，巖果垂林不識名。

將軍甲石歌

龍江巨石穿高峽，何年呼作將軍甲。風雨摩成犀兕光，晴天挂出蛟龍匣。龍江暴漲騰喧豗，馮夷弩射七札開。巍然黑雲都屹立，太古睽睽青莓苔。宛如躬擐提桴鼓，指揮號令雷霆怒。前驅鸞鶴後，窺虎三千橫掃練。與組又如陣前受降時，金鱗射日紛鬚鬣。明光十萬盡羅拜，俯伏不敢窺牙旗。環而衛者石以百，頭錒臂鈎各荷戟。和門誰敢執冰壚，蒙櫓猶思陷堅入。方今

天子平韓胡，將軍班師來獻俘。戎衣親解賜袞服，上公通侯爲剖符。櫟弓戢矢布文德，萬年武庫爲藏儲。石兮永爲吾

皇紀功德，不穀不伏蠻醜讐。毋侈荒怪使人惑，太平不貴起戎物。

坡先生祠放歌

坡先生祠放歌
坡表惟見羅浮羣拱揖橫捲四百七十二幅蒼龍
江外浩浩爭赴之是時六月暴漲下逼海不得逞怒作
馳白雲飛湧豐湖起倒蟠墨沼青頗犁元祐罪人文章
人欲殺皇天惜羅浮遣出老胎仙指點虛無作幽宅思無邪
從不鄰筆端鑿井光鮮新誰知明月清風地盡付栽茶行菜人東
嶺聖夫十祀州周太守各各爲奔走兒和玉糝羹妾進真一酒荔
枝頰虬杞蒼狗掀髯大叫吸一斗醉臥危臺蛟不吼咫尺蓬萊第
七天空濛長嘯應回首鷓鴣哀啼猿啾啾驚城象嶺不可留君王
不怒相公怒先生萬死行儋州借問蒼梧何如松風浣花瀼

西龔老翁挈妻攜子奔西東能將忠信通天地那惜艱虞困鬼雄
醉且賦定風波醒不待春夢婆如塵如泡一瞬耳蚊蟲鸛雀何其
多祠前寥寥一放歌孰使余吞聲躑躅涕滂沱

泛豐湖入栖禪寺

涼風吹湖開萬慮出了了曉日連城鮮爽氣奪秋早浮圖南北峙
金碧互縹緲破青羣峯深瀉香眾溪抱禪關駕虹彩修竹捲一島
清磬散宿煙落花不可掃笙歌何時事懽悅只飛鳥緬彼玉局翁
白雲濕芳艸

南漢宮詞十六首

劉漢竊據海隅奢侈角縱當時汴京人號爲煙月作坊
荒微遺事奚當諷述然吳宮隋苑玉樹後庭列之樂府
亦何病焉胥江舟中無事戲採五代史及清異錄五國

故事作南漢宮詞十六首以排旅悶撫拾未備大雅幸

勿哂舛陋焉闕逢敦牂壯月識

禺山宮殿接龍津香柱南薰鏤刻新二十四仙開口笑車燒沈水

是何人

南漢主龔建太乙等宮自禺山至城西中南薰殿以礎石爲社皆雕鏤通透中置爐然香嘗謂左右曰隋煬論車燒

沈水卻成麗疏爭如我二十四箇藏用仙人雖不及堯舜禹湯不失作風流天子

歌舞岡邊舊越臺奇葩異卉夾城栽海霞飛上呼鸞道幾隊紅粧

學士來

龔卽南越歌舞岡地重建越臺中爲呼鸞道夾城植花卉爲朝夕遊觀之所女侍中女學士皆爲女官名

別殿昭陽地布銀新傳女監走遶巡宮中自愛良宵永愁殺寒窗

候曉人

南漢主晟起昭陽殿以黃金爲仰白銀爲地溝水皆鑲眞珠於殿側置宮人望明窗以候曉謂之候曉監

避暑甘泉泉上頭朱欄錯落荔枝稠白雲不下安期宅恐向紅雲

宴裏流

薛薛水自白雲山流出南漢建甘泉苑於上有浮杯池避暑亭荔枝熟時設宴曰紅雲宴

鬪花內殿集春晨花禁樓羅記冊頻日午內官傳買燕大家催進

要金銀

南漢主綏設鬪花會於宮中凌晨開後苑令宮人採花卽勅還宮鑲花門膳畢角勝負於殿上中官抱關宮人出入

皆搜懷袖置樓羅冊以驗姓名時號花禁負者獻要金銀買燕

腕愁素月體輕風第一盧家女侍中猶有教詩蘇媛在白頭長住

秀雲宮

盧瓊仙美而多才南漢以爲女侍中所傳腕愁素月體怯輕風其遺句也蘇瓊之製時才人爲女學士晚年居秀雲

宮中女弟

園綠作天蟾妃並馬下亭前何人竊得蕉迷號不乞君王

一

洪城中蘇氏園最幽勝銀嘗與幸姬蟾妃微行憩耐綠林張命筆大書蕉葉曰扇子仙蘇氏于艸宴之所起扇

潘純節性愛蕉凡軒亭館風種之時人號蕉迷

鏤托英柳立壺坊中煙月也愁無洛州刺史今何在醉煞蕭閒

一

宮中有魚英鏤托柳子立壺四隻各受三斗嘗

夢靚親擊珠子杯香風吹滿小蓬萊黃龍宮外匆匆過新進波斯

一

曼壽銀又姬珠子杯銀製以作壽者銀于宮中擊流瑤石曰小蓬萊又於羅得黃龍洞大治官室得波斯女

戲曰大體雙體重不能行命官人以綵與昇之行又名媚猪

珠翠龍舟孔雀衣紫雲閣下酬如飛水軍別有貂璫練新自湖南

獻捷歸南漢城有明月峽張建紫雲閣於上以觀龍舟舟皆以孔雀珠翠為飾國置巨艦猛象指揮使皆以宦官領之曰綵

水軍於峽前伐湖南馬氏得連州數邑益驍騎

藥洲瓊島接芝蘭方士親和益壽丹行過江南九曜石白蓮斜映

紫霞冠張開西湖芝蘭湖相通皆植白蓮花中為藥洲長十里起以江南太湖石堆成役于夫由海中昇至中一石奇峭曰九曜

內家密接法王居佛力爭教殺氣除寶珞珠幢親繡賜沙門夜拜

四尚書南漢於宮左右建二十八寺應二十八宿沙門四人掌內號教中法師大尚書令宮人從習佛法醫府庫所藏為寺

飾銀宮中設刀山劍樹之刑

珊瑚鵝鵠相輪裝捧出蓮花萬佛香三十二嬖新弟子黃金塢下

祝興王光孝寺南漢改名興王寺鑄鐵塢二以黃金塗之相輪上皆佛相下有銘列宦者名西塢有女弟子鄧三十二嬖名

亦銀宮
中姬云

狎客盧膺似總持碑箋承制出宮遲
麟真九墨瓊芝寫更有雲華

御室詞盧膺為南漢侍中學士碑箋缺詞胥出其手英州碧落洞
銀改名雲華御室置別殿其中有以雲華御室詞進者銀

大悅命女學士以金箋寫之梁
寫真黃瓊芝女學士掌圖籍者

小南強放塢中花一路珠鞍滿鬢鴉何似內人斜畔月年年長照

素馨家周世宗使者至南漢不識茉莉花銀文其名曰小南漢以
示誇大後銀至汴不識牡丹人曰此大北勝也花

江南岸張姬人名素馨者居此歿因葬焉內人斜南漢舊宮人
處銀自製珍珠鞍為御役以九五珍珠鞍進宋太祖又有珍珠至

美者三
十六寶

金稜罷採媚川空潮送劉郎一夜風十二金人泉下笑芳無花蕊

入新宮銀在南漢命日採金稜進御置媚川善貢吏採真珠為
宮壁飾劉駘為陵範金人十二肖已與后及諸妃嬪像

和吳櫟村趙忠毅公東方未明硯詩

硯銘東方未明太白耿耿雞三號更五點今日入朝擊

大閼事成惟汝功不成隨我貶三十一字

趙公東方未明硯我讀君詩恨未見君詩古藻何紛披我如啓篋
摩挲之鋤奸孽罔風雷震硯兮鬱怒欲同殉太白星光睽睽垂隋
糜焰起鬚眉奮我謂硯兮非石質尙方劍與司農笏觸邪凜凜競
文羊指佞森森愁屈軼直令宵黨夜悲啼委鬼茄花膽皆裂大臣
去國事何常硯果并州伴儼裝壯哉一疏畱正氣此功亦足侯聖
鄉雞號更盡私朝始賀冊頌章紛義子豈無鳳咮鸛鵲晴挽竭天
河羞不洗何如此硯材堅果擇福能同正人禍三十一字銘崦奇
味藥齋中惜包裹高邑精神未銷蝕此硯流傳入誰宅但使常畱
天地閒綈錦文檀誰敢褻君不見玉帶生飄零吳下依何人秀水
朱生作歌後文山手澤猶鮮新如今風雨鯨潮夜博得君詩亦有
神

題禾中江秋士喝月圖

月辭君去胡爲乎停杯四望青天孤一聲鬱怒起方寸蕭蕭驚散
南飛鳥浮雲掃匿桂子鋪冰輪倒碾蒼虬鬚七十二泉雪噴珠湧
出庭樹紅珊瑚君不痛飲胡爲乎君當歌月爲娛君當舞月爲娛
金波旣淋漓花香又糝糊酒亦竟不停月亦竟不趨惟餘沆瀣一
元氣相與萬古爲縈紆醉眠更問西南隅明宵有酒當何如

雲岫先生以贈公獨寐圖命題長句

天開南極薇堂晴展圖滿座春風生整冠肅容一再拜有道之氣
垂先型澄園碧玉一百頃巖香瀉作紅泉聲桐華倚日綴虎魄上
有老鳳將雛鳴牙籤萬軸酒十斛靜看宿露垂芝莖圖爲獨寐非
沈冥隨時阿澗聊寄情雄飛雌伏亦何定古人所重千秋榮當其
嘯歌絕塵纓身爲谿谷心太平湖山浩浩入夢去六橋楊柳啼流

鷲文章報國付後嗣經綸濟世歸公卿丈室可以含造化八紘霖
雨皆區萌昌黎川澤有深喻積者能厚施非輕偉哉我公昌家學
量涵江海心澄清幹旋坤軸人不識自酌金鼎調虛盈貝多花前
退食暇蕭然一卷和茶鐙皆與此圖默相感至今如見真天氓臨
安耆舊續新傳孤山老鶴梳長翎
朝廷若繪雲溪景應贈尙書孝友名

題吳興董勿逸先生帶經圖

我聞先生結茅苕溪濱太平儒術思致身河汾弟子有王佐

謂方伯雲

先生東南負笈來駢駢天目之山二十四洞府龍威烏酉羅典墳

先生躬耕在其下菑畬歲月忘劬貧茲圖豈襲倪博士我知其旨
深且醇平疇漠漠煙浩浩遠風收雨苗懷新荷鋤覘泉悟道脈攜
壺聽鳥娛天真樓鞋白袷紫荷巾飄然一卷周與殷若非牛角挂

時讀卽敎截韋編來頻益然元氣出眉宇令我見古天民橫經
負來有昔訓逢年豈必倉與困以茲爲箴示孫子遺安詎與遺榮
論竭來訪舊南海潛丹砂不上羅浮垠薇堂擁席作都講研朱滴
露紅棉茵梁公世業俱彝裔鐸椒授受皆虞荀此圖往往展硯北
觀者肅穆對大賓徑欲聽經奉几杖異同討義歸雅馴頃逢
天子開四庫虎觀簪筆趨振振座學校非故事須以聖訓嚴別
甄不見張蒼轅固杜子春申公八十徵蒲輪又不見伏生授經摩
詰出千載書之爲經神請將此圖貢
紫宸者儒會起田間人何況廣川後裔尙書孫貽謀裔代多經綸
昌黎勝哉之行安足云

贈順從家藥房

海國無香舊江山尙鬱盤斯文誰後起老眼待君看清廟朱絃瑟

皇帟紫樾餐鳳皇不家食別有碧琅玕

珠江夜與吳棣村別

與爾平生事茫茫對此杯莫測非舊路明月自高臺海穩依人夢
天憐作賦才猶將衡岳雁一爲客愁來

題李潮陽南樵暴書圖卽送其赴都

李侯謫承明行橐乏長物載書滿江船別我趁晴雪示我暴書圖
更事視蠓蠖縱橫五千年寢饋三萬日坐擁百城豪深叢孤羅出
一洗俗文字緹巾古香發照君五經腹秋陽氣騰越星宿撫羲娥
雷霆啓局鍋蛟風與蜃雨不敢散天帙何來神僊字肯使蝨蟬竊
聞其借書樓標褫散行列或就冊府鈔或從書倉乞或分茂先篋
或寄當時駟雕開棗連車市購金三鎰金石龍威藏蠶紙秦漢碣
見如渴得漿大叫委袍笏考訂手生胝傭胥腕頻脫鉛黃四十載

頗亦鏤心血此豈章句學觀者宜敬慄我生憂患多卷軸半散逸
雖無勝囊拋或恐亥豕滅對君氣欲盡煙海浩難竭典訓自光芒
陋儒工剽剝微官負光陰不得事經術嗟哉髮種種尙愧雕蟲拙
君能信好古才足當著述願揭日月行長掃瘴癘窟馬鄭未駁躋
毋徇宋人說會當作經師不獨補詩缺他年懷餅來待君給筆札
康茂園觀察增高長壽庵後樓以收江勢復於青天白日

巖峭壁絕頂建一亭經始日賦紀

海郡招提堆郭北江聲樹色足躋攀青天秀石一龕佛白鳥孤雲
千疊山聞道使君多雅興更增亭子俯孱顏他時攜佐題新句盡
攬煙霞几席間

其二

觀察得余詩爲顏樓
曰韓江亭曰迴瀾

韓江三派湧崔嵬，滿打金山卻北迴。萬古元冥尊帝德，元帝視一方
砥柱識公才。長留禦患安民計，豈爲登高作賦來。人在白蘇堤上，
望朝陽樓閣待圖開。

雨中呼酒與幕中諸友飲

開樓看雨陣，索酒顧僮諱。有飯且能喫，無錢今可賒。江聲雙寺埭，
稻色萬人家。訟牘頻勾卻，明朝遲放衙。

趙吏雲亭明府琴尊圖

橫琴倚石獨孤及，端坐焚香顧凱之。政暇風流聊復爾，圖中仙骨
見於斯。羅浮地近千花麗，大海天清一鶴遲。樂職頌聲應滿野，蕭
然秋色對尊時。

吳大念修自揭陽惠酒寄謝

開緘酒券篆紋裁，乞取官奴捉甕來。自是故人憐寂病，非尋婪尾

殿春盃

海月初肥壓蛤蜊，隔牆龍眼出花時。
不知蓮幕分曹日，醉倒何人白接離。

竹篙嶺下小菴桃花盛開友人邀遊未赴

海鄉花事從來少，客子情懷百不堪。
春光幾樹空同老，風雨三更何太愁。
人面故園悲早去，漁舟迷路更誰探。
祇有懺除向老佛，一枝乞取供珠龕。

過鯉溪作

刺史驅佐郡誅鯉魚，有溪鯉魚無人心。
有鯉鯉不如潛刀柔鋸血，人以爲娛吁噦乎。

題吳橡村金夫人歌後

宋慈元后女赴海死，土人義之鑄金身以葬。
因號金夫。

人墳今在新安海濱

萬古蛟龍慘不春
人閒無骨葬天孫
感恩只下遺民淚
待覓金身入海門

落日孤墳大海涯
冬青不種種桐花
豐碑誰置夫人號
帝妹無歸是趙家

地接崖門恨接天
長騎鶴望帝臨臚
貞魂夜拜慈元殿
淚下金人更愴然

幼婦詞來寫怨深
珠襦文綍豔沈沈
黃金也有銷磨日
難鑄冰霜一片心

湯生壁光自海山場寄書羊城以詩報之

我未北歸君更南海
天孤島雲翫翫此心
直送潮千里昨夜初
開書一緘志業前期
行更遠材名旅食豈
長甘離支花下酣歌
夜好

憶僧廬三月三

龍湖食龍眼作同楊鳳峯考功項粹齋文學予賦七古用

湖字韻

離枝辭市炎山孤宜濛酸醎牙蕉麤

案拭案宜濛新會標各有疑

酸醎二字不與天易觀離枝

天生龍目作後勁旁挺色味側生俱

逍遙道士增城姑細眉纖頰冰肌膚黃絲茶褐女冠子嫣然別有

傾城妹八姨澹掃風韻絕太真誰敢呼爲奴海風漲天溼雲合蒼

蚪亂插青珊瑚扶桑城郭繡如畫浮空結滿黃雲株丁家園種人

散盡至今煙雨繁龍湖雕盤薦座拭素帕桂漿傾碗流醍醐冰丸

膏顆縱入手從茲漢女無明珠潮人以此作稼穡武陵千絹木奴

如潮人計樹多寡立契以分籍已載舶走吳越膏華已竭渣滓枯

文園舊令病肺渴嗽之沁入心脾映益智不藉劉帝纓延年誰誦

唐羌書徑思飛逐陵陽去快騎明月雙鯨魚

苦竹邨熱甚口占

秋鄉江裏萬峯丹聞說西風六月寒直踏梅花千丈雪臥看仙女洗頭盤

按梅花千丈雪仙女洗頭盤皆秋鄉江地名

龍川緣江峭壁居民多聚居其巔頗具勝槩舟行望之賦

詩以紀

巖下潭潭萬仞江巖巔煙火吠仙龍長松怪竹互虧蔽碧浪白雲相鬬撞石筍攢青穿細棧夕陽翻翠出紅窗桃源未許游人住欲借濃陰繫釣艫

鳳栖峽

峽以裴延峻江因詰曲雄石牙潛鬬浪帆翼飽張風烏鰂藏沙巧元蟬咽樹空平生志寥濶頭白萬山中

題山陰吳檢堂浮海詩卷後

檢堂處士水雲子水雲時客羊城

吳郎一夜乘長風，抽帆拔浪滄溟中。異書千卷酒萬斛，醉看日月生鴻濛。讀書服賈誼，原壯採藥求仙語。皆妄直將作賦，埒元虛。豈足乘槎追博望，朝辭於越暮甌閩。呂宋琉球一豆痕，鯨呿鼉擲不得住。打鼓已入虎頭門，木棉花下老親喜。秉燭開門拜游子，荒唐到眼大九州。情恍迴頭如半晷，登高臨深古所戒。樂事人生不可間，倚閭尙有望書人。急趁歸鴻過嶺外。

歌絕上問雁

南鴻何事亦來賓，聲過衡陽聽始真。隔嶺鄉書紅淚杳，蠻笺翠黛江寒豈更謀糧米。海大終能避弋人，翠羽孔禽多伴侶。匆匆休戀塞門春。

迴瀾亭

乾坤莽莽此新亭。別俯炎州躡杳冥。偏借風濤搖寺白。更催山色渡江青。天懸鼉鼓雲爭宿。日靜蛟宮海不腥。坐久渾忘身世寄。祇疑偏仄有精靈。

榕署阻雨

積水池塘漫愁霖。屋瀉淋漓花螺走壁翻。樹鵲爭巢痛飲酬良夜。悲歌謝故交。漸看星斗墜涼月。挂林梢。

德慶州江上聞刺史鄧五丈山尙在崖州

載酒同尋樂毅碑。扁舟獨下陸郎祠。月明荒戍懷人遠。秋盡孤帆渡海遲。作吏須逢盤錯會。謫官好在聖明時。呂虔佩劍光如舊。莫厭風塵雨鬢絲。

東江口夜雨

春雲壓船重夜雨鳴不已似從故鄉來慰此行路子
篝燈昏復燄沙雁唳還起明日百重灘桃花半篙水

秋鄉江神江合東江入海

送邵生在魯歸京師

尊前萬里客瘴癘五年身風雨清明路他鄉送別人花非臺嶺折
衣尙帝京塵負米休嫌拙慈親不厭貧

清明日作

天地此餘生茫茫海上城迸空皆泣血忍食過清明素旄前宵夢
青山何處學紙錢飄不得風雨路縱橫

卽事二首

鐘銷梵散庭淒淒城頭急雨收更聲驚鳥繞樹忽三匝鵲鳴催春
時一啼木棉已多紅照眼笙筍况見黃抽泥爲官好慵吾蚤覺何
日看雲扶短藜

輦歌未唱秋歌催神鼓纔聽社鼓來
洋有鳴聲知作雨颼多鬼節望驅雷
扶輶簾颼東風亂掀攬花擎落日開
留滯蠻力渾閒亭那頻雞卜問坡杯

雨望

十日九日風雨斜十村九村龍眼花
鳳皇洲上漏陽日蠟母山前飛瘴沙
炎方鬱鬱變物候宦事悠悠催鬢華
短歌痛哭百不遂麻衣自枕樓僧伽

寄戴率新揭陽二首

江燕已南飛征人淚滿衣念君猶作客
臨發更歔歔只道還鄉好方知作吏非
讀書增道力勉矣報親闈去去復何言
桃花漲嶺門老無舊山隱貧有故人恩
潮去成千里書來當一樽海雲城外黑
應是未招魂

留別沈九鸞坡

長沙劉芋田之甥

二首

君是楚人甥，雄豪似舅名。
書能三篋識，酒且百壺傾。
相伴梅花嶺，猶聞雁翅城。
天河垂十月，脫帽記彈箏。
一樽看我去，帆轉木棉花。
從此獨爲客，可能秋返家。
依人存骨格，學道盛年華。
止酒詩頻讀，松楸望正賒。

湘山寺

玲瓏金刹俯危岑，風動浮圖散鐸音。
半壁夕陽蟠嶺下，三江秋水到門深。
入雲松栝晴猶雨，抱石樓臺晝亦陰。
清絕湖南安佛地，眞身長在卽眞心。

秋日偕王湘南曾甥配瑚攜孫家樞遊光孝寺時圓上人
以病瘳謝客

秋容無恙古禪房，破寂來尋訶子鄉。
風定池香留翠蓋，天蒸海色

下斜陽摩挲培字教孫讀指點山泉與客嘗好事政公今病廢畫
痕不顧總荒涼

贈福慧庵智霞上人二首

幽墨餘生寄歸期正杳茫聊尋僧話澹稍謝市聲忙野菜堆盤脆
江泉淪茗香四禪誰解縛一一問空王

諸方浩浩地守此一城隅了湛無如拙安貧也學儒栽田聊博飯
緘口且圍爐劫在多文字閒雲片片孤

有感近事
末語故云

贈開元寺僧傳修

僧年九十曾於西湖迎

鑾奏請

御頒藏經歸建閣貯奉

曾賣龍藏一千箇萬里歸栖海水南簪笈尙騰天府墨緇衣時帶

越山嵐摩娑老樹拋藤杖來往孤雲荷藥籃
博飯栽田皆益壽莫將文字豔羅雲

吳掾邨以其兄水雲所繪風雨對床圖索題

越州兩吳子材名動公卿惜哉壁未售抱此冰雪清
丹山雙鳳皇不與凡鳥爭翩然思瓊枝萬里翔蓬瀛
豈知荆樹花開在仙羊城長劍一壺酒古書三尺檠
龍風與魚雨海氣橫牕鳴乾坤入歌嘯中有壘篴聲
鏡湖水竹佳桃花連四明君兄賦歸去日采蓴湖英
君踏蒲澗梅獨尋安期生新詩珠百琲高體迫陰鏗
良會自有時天遠終合併毋爲故鄉思出處同堅貞
舊夢倘能來春艸青復青欲出北郊不果湯生璧光
攜樽至菴與湯王諸子飲

一樽不上海樓天寥歷春光祇自憐身老雲山誰眷戀
官閒朋舊轉纏綿香螺渡雨騰篴滑石首隨潮入饌鮮
同是蠻鄉未歸客且

拚歌哭落花前

將歸湘中畱別吳稼邨

薄靄愁行帆。桃花漸銷凍。春風一鶯至。已綠垂楊隼。不怨歸程遲。
但惜故人重。愛子兩卷詩。遙情溯雅頌。寥寥孟與韓。堅壘摩欲動。
阜樞困神駒。飢鴟嚇孤鳳。世事盡爲客。文史方足用。子其慎所投。
荆璞謝磨礪。朝咏木棉英。夕聽文禽弄。美人隔秋水。終爲玉堂貢。
孤鴻飛冥冥。仰見天宇空。躬耕少薄田。藏書乏古洞。休相憶蹤跡。
差免在羈鞅。萬古此明月。還期一樽共。

湯生光宗曾甥毓樾送至花田侯後船不至主花中口占

三首

候雁歸來吾亦東。趁人船尾西南風。卻愁別語吹不盡。小立畫橋
煙雨中。

花事闌珊南漢田今年春色倍堪憐祇餘湖畔孤兒淚灑作青山紅杜鵑

年年送客此花林短髮蕭蕭耐一簪寄語日南載花客春潮不比舊時深

棹歌二首

不見越王臺但見瀟湘水水調一聲中離魂已千里
帆前紅豆花是儂傷心樹誰教一夜風開在還鄉路

峽中雜詩四首

欲雨不雨煙濛濛草蔻花開叢復叢可是驚魂飄未定船旗斜日酒旗風

峽口芹芽二寸香峽中鯽魚尺半長落花三里鍾五里月上前峯雞子黃

秭歸啼壁花冥冥廟腳插江雲慘青又是一年寒食節教人長在
異鄉聽

李白曾停雪裏舟約予同上豫章樓憑誰寄語長安去已趁桃花
下贛州
謂李潮
陽南谿

男姪

聲

如泰

有普孫啓

沃

校字

裕

光

紫峴山人詩集卷十六

湘潭張九鉞度西著

姪孫家柢重刊

秋燕巢集

乾隆丁酉戊戌

其再至南昌也白題寓樓曰秋燕巢秋燕巢者危詞也先生已去海陽而自危著此當日傾陷之甚可知而南豐紳民間先生至迎館舊籍不書院及返張樂錢贈米儲諸升又以見豐人之好義也如此著秋燕巢集卽豫章三集也

采葛篇

野風吹葛根引蔓長百尺谿谷多寒風煙霧互糾結粵女腰雙鐮
赤腳穿亂石晚防虎與犀朝畏蛇與蟻日出宿露深花葉兩不識
豈惟采取難柔韌費漚瀆績績手不停織之爲絺綌一匹重五銖
金始一鎰得非關葛織明女心見貞直持以奉君子但愛體輕適
願慙區區懷服之永無斃

種葵篇

葵蒲何離離托根池與塘微風聲獵獵炎日失精光製爲團團扇
蜨女鬪巧裝玳瑁以爲柄珊瑚以爲纓明珠間瑟瑟艾葯都梁香
不願裁合歡化爲鴛與鴦願君持此扇用以清八方一扇酷暑淨
再扇和薰颺庶草各蕃庶民用壽且康毋汚元規塵毋效彥回障
畱示曾六甥配瑚兼寄九甥稿亭惠州

南風吹歸心飛過峭帆去豈不念汝畱自傷久客誤一宦嗟折閱
萬事付遲暮生還天所囑無語寸心訴骨肉姊妹存况乃病且窶
何能計八口飄零若春絮汝懷望雲心恨乏負米具且復低額面
文章豈相負縈名山羈旅守時黜高步汝弟在惠州休作登樓賦
馳書三策勵砥行多所過但能事歸計倚閭自羞慙慎勿似其舅
白首困籠篋一萬攀枝花紅接天西樹是我銷魂路是汝思親處

峽山飛來詩

峽深石氣青怪壁插霄起萬樹夾霜聲蕭蕭半江紫寺門初日上
寒色苦提洗梵唄竄蒼甃虛堂下松子坐對幙幙峯森列拾棗
何年初祖石片壁懸埤蟻虛潭踏聶然犀牛現齏齏斷山高樓
遙泉僧手指魚歌鳥影外人語板橋底落葉纔飄苑老荔仙詭
天光閃溽曦古雨滴不止仙源湧丹砂雲采流香髓壁爲雙白龍
瀉落層竹裏微聞阮俞徑有客吹鳳美攀藤往從之洞毛滑刺趾
四山忽吐霧綠蘿又披靡回風生玉環歸猿嘯方始不見二禺人
藥籠空徙倚神仙誠荒唐靈境此禪喜帆前有落花鐘送遠天水
坐山暉堂示僧雪菴卻寄長壽月公

讀書臺俯古雲秋絕壁丹楓靜不流深竹有泉堪借榻空山無酒
亦登樓裁箋枉負支公許月府札起病應煩杜老留門坐憶西
郊方丈室花香瓜碧助清幽

大廟峽

帆辭中宿來潮作故人別潮至中宿則不上煙水似瀟湘空濛入微月淩
晨聞呼諺推枕走踈躡仰面插危峯摩天一萬鐵怪流踏鼃鼃淺
艸走雉驚是日霜氣收寒颼駭撞批眠羊與猱獅大小嬉怒雪恍
見虞夫人手提仇頭截衆嶺鬱紫殷江流半香血花竿出揚揚飛
簷老梧齧沙戟沈難尋溪毛薦猶潔綠竹環澄灣晨炊膾新設坐
看峽山秀地險變旅悅回首一雲橫去纜未忍綫

香鑪峽

粵山冬不凋飽霜碧璠峒澹靄從南來萬峯皆初春香鑪秀如削
屹立滇江濱上覆九光霞下泄四時雲衆勢互回合清響垂瀑紳
修竹未知曙炊煙始有人客纜松下牽僧路巢邊馴漸聞山鷓啼
翠巖落紛紛波影接長天峽門倒溪澹榜歌一以動空水涵鮮新

李匡廬率爽氣入簡巾刑尹今有殊仙境多靈因坐餐蛾眉綠
靜愛牛毛被愧無謝客詩雕鏤傷其真

源陽

源舟含涯關已駭峽形壯連峯排嶠南自一夫遙曠遲回入硤角
石鬪舟不讓十萬青琅玕五百錦步障羅以太古雲秀詭非一狀
造化豈鐫鑿毋乃夸蛾剋至暮作雨飛淒煙各沆碣黃茅莽迷披
哀猿噤相向坤維有軸柱水府失龍象沈沈潭不流杻鎖久惆悵
鴻入急盤渦勢爭百雲上賈舟珂戛裝撇漩得情暢炎州非甌脫
頃思走帷帳嗟彼絕道人尋阨置戍安老爲瘴海遊遐境符所尙
魄力化夙豪文章悟新匠但無赤松壇和彼列仙唱板屋閃漁燈
翡翠鳴一桁暫投釣臺泊布帆信無恙明晨展篷窓更看北來嶂

重遊峽山寺晤羊城月公

老樹橫磯峽漸平香臺俯瞰一灣清嶺頭客至花重放海上僧逢
雨乍晴雲起虛堂搖石色樓開翠壁走江聲故人知踐鵲君約不
計春潮半日程得曉潮門消息

上古飛來寺

孤峯天外削芙蓉太古雲間徑尙封
瀝壁泉飛多挂樹隔江花落
乍聞鐘何人吹笛穿深竹有客張琴對老松
惆悵玉環消息斷那堪重訪洞猿蹤

遊楊歷巖觀瀑布四首

巖勢在天表白雲溪路深偶逢桃花色不辨風泉音
異域老將別春山寒只陰征塵一日暇隨分有幽尋
樓船一以駐古木風聲多山水自開闢越人將奈何
蘭芽被崇坂鶯語出深蘿漢錦不封處山靈足嘯歌

鐘近樓猶隱人來戶不知竹根安佛穩松腳鎮龍危

洞有石龍昂首濕每虞寺

形家教僧於龍鎮裝銀蟠痕作鎖牀乃安

黃葉封梯雪紅煙織砌絲神仙非有窟野老

話堪疑

僧在泉中宿翠微開半房簾垂無六月天新更斜陽松子穿雲落
楓人過雨長何妨因茗色小坐柚花黃

下雙脾峽

櫓聲軋何急天石望橫糊白日匿不到蒼雲生欲無松花半江漲
茆色一春枯還似英州道月斜聞鷓鴣

賢女墳

一水清如玉千秋骨在茲空傳漆室操誰撰孝娥碑斜日鴉銜土
荒祠鵲踏枝芙蓉江上月不許學蛾眉

登八境臺懷李南礪

嶺色赴城頭，雙江水急流。殘春天萬里，落日客孤舟。作賦思豪俊，憑欄望斗牛。何能借玉局，觀海憶之衆。

十八灘歌

雷霆戰鬪三百里，山川鬱怒騁未已。儲潭春水波嵯峨，舟人側目灘師歌。灘師馭灘如馭兵，灘雄石亂轉快輕。舵如健鶻撒眼生，但聞風火颼颼聲。十八灘盡灘師健，滿船橫臥人不知。蒼天洗雨江垂旗，萬安城邊黃牲醴。舟人醉語蛟龍喜，不見樓船珂綬腰。環打鼓，又上惶恐灘。

望青原山

落月在樵門，歸雲沒雨痕。江深明白鳥，天古浸青猿。老悟三生幻，閒就五笑言。名山一相識，更欲訪仙源。

暮春江上逢李杞園

燈燭此何夕相看鬢已皤春如故人盡愁比亂流多杯酒辭袁紹
裴金失尉陀那堪對明月只聽荆絳歌

門人李宮詞至

積雨街泥沒半城叩門不到報新晴十年眼底形容老昨夜渡頭
風浪生忽倚門窗別調詩成梁甫恨躬耕天涯且共深杯罰清
月金盆屋角傾

百花洲見柳花

湖柳已成圍風花作雪飛渾忘初種日猶點舊時衣荷葉浮錢小
萍香礙舫稀誰家新燕子銜向畫梁歸

門人葉丹郁攜酒寓齋

夜合花初落東風湖水流逢君仍白袷帶我向滄洲說劍遲星彩
論文罄酒籌平津富經術莫惜晚詞侯

題山陰諸雷門行營

帝子樓空地少靈同來老大作浮萍
蒼南巷北不相見江雨江風
何處醒把卷寒花隻眼閉門落葉
一燈青晚交得子材真健日
擬論文倒玉瓶

風火仙廟前花金魚鯛歌

風火仙靈姓山陰人明神宗時爲景德鎮密工青花金
魚鯛御賞將製童投身火中審賴以全翠色更勝初封
建廟後祈禱日盛有坐鯛存廟中光燄如新爲
貯神香器載江西通志中

前明神宗御驚器首貢青花金魚鯛隆然深受二十餘萬
兼圓方一網之費中人亦一竊之供千夫畏其年部檄催
歸午中
宮陳者鬪如虎其金錢供子女翠色模糊更遭楚夜半驚身濕

將裂伏地悲號三百戶誰與保黛童義上烈燭潛投靜不起凝成
火宅青蓮花散滿世間舍利子摧燒拉雜餘枯骸綿綿裹之檀栢
埋崇祠插霄萬人沾恩火仙號何雄哉天球河圖國不守微物瓦
全亦何有豐饒幸免逐雲煙異代猶疑神所壽吳生筵前爲我說
七尺輪囷廟中列錦鱗不貯貯黃沉香骨丹心交鬱結離披枝瑩
鵬鵠膏淋漓葉噴蒼龍血開窰吉日監督來丹雘白犬騰光赫天
匪殘器報精誠重比鼎鑊誰敢喪舜不苦竊作陶正周官佩觚求
無病後世奇巧闢紛紛有柴汝官哥定我
朝制器尙渾堅前民利用順自然陶人釉戶足衣食舟車四海來
喧闐玩物喪志古所戒此綱亦足垂千年作歌持去當神絃繞梁
定看英風旋

不見漢陽阮見田十二年今夏遇於豫章把酒話舊以詩

贈之二首

垂老復相見，茫茫江漢波。長貧安足計，道業近如何。天地爭肝膽，

冰霜慎琢磨。青衫本無淚，休聽琵琶歌。

帆前十年水，仍繞鬱孤臺。風雨送君夜，悲歌燕趙來。兩成君自涿
州

大帥幕訪
余已耶

著經還幾卷，作賦定千杯。幕府容長揖，諸侯尙愛才。

送阮見田歸省

貧爲養親出，思親須小歸。帆香新稻熟，江濶白魚肥。老樹同烏喜，

青人看鷓鴣。飛及茲身于健行矣，報春暉。

阮見田以詩寄余，余以詩答之，兼呈太史

浪打江樸少，照洲空綠何。處怨狂夫傷心一例，詞人在又寫書妃。

墓道闕

龍沙溷雪沈幽巘，鬱鬱金盞地有靈。一自延陵重挂劍，

大江青

仙才鬼豔怨人天片碣香詞二十年老爲真歟多感激提重譜
舊神絃

碑銘誰與撰邯鄲正業仍煩老史官不是桃花斷腸字天風吹出
白琅玕

迦葉聞箏歷劫身西山如夢水如塵白頭重過隆興觀不見當年
上塚人有感詞中事

愁裏相逢易黯魂江流五月又黃昏與君合作離騷讀醉倒麻姑
酒一樽

顏豫章寓廬曰秋燕巢賦詩見志二首

秋燕已如客

用杜句起

吾生亦暫依殘巢無計補八月未知歸紫塞自

茲潤育風何處飛休令霜雪早惜此羽毛稀

老樹號秋急空庭疊平荒祇看愁鴈去敢妬飽鷹颺夜月烏衣國
春風璫璫梁尋常王謝宅誰夢杏花香

南豐門人揭命阜黃俊庭湯元珪黃詠南小聚秋燕巢時
以秋試集會城仍疊前韻二首

十年各聚散相見即依依酒罄典袍急道喧捉鯉歸月分樽各滿
燕別社猶飛永夜歡譚盡不如星斗稀
寶劍遙相拭良田各未荒吾徒自晨夕

盛世有騷風識敢誇冰鑑名還寄棟梁余在南豐拔體前茅者如黃曙東鄧書曠揭芬佩魯漢川傳地山皆不數年擢科去黃以乙未成進士即謫南之兄也西廂曰襟爽軒時招諸生授文桂下傳也杜開則已利甲盛定知襟爽樹老桂吐奇香余昔南豐

李晴江墨梅長卷爲范醉石題四首

晴江狂客今亡矣誰角詩雄與酒雄祇有梅花銷浩劫一枝橫出

畫圖中

不學花光老道人
澗煙疏雨墨魂新
空山太古有明月
破盡南枝天地春

高齋紙帳伴墨客
與梅花味雨酣
半幅東風一痕雪
不須殘夢到江南

感舊懷人寄一枝
因緣文字氣淋漓
白頭愁煞江城客
梅子青青欲雨時

有感卷中
畫圖明府

題阮見田盛區奉母圖

白雲飛江漢下有慈親
廬竹筍綠成林
薔花盈堦除遊子
負米歸鶴髮笑倚闥
著我齒衣跪進盤
中魚香炊彫胡
饌滑筆果與蔬
大婦奉匕箸
孫行提尊帶
何以承親歡
飲有新著書
滄海隨安足
言粒粒心膏腴
文章榮白華
能令顏敷愉
子承仙書澤
行樂耀瓊瑤

將荷牲照恩愛日安以舒秋涼擬登堂送喜隨慈烏子度茅峯雞
我進安期蒲

過豫章清有感舊事懷新城陳經堂北部余官南昌時比
部有與豫章清之役二首

十年潯水各西東過湖塘感未窮樓石角分垂柳碧津橋騎拂

落花紅開渠天錫千金號散策官慚一箭功猶記沿堤燈火夜盡

船簫鼓月明中柳枝上仙百花洲公燕人夜燈火夾岸星橋滿湖

平盛世

荷鋤先為義聲嘶豪姓好荷盡掃除事不盡清山詩清風明捷公

成克進鑿出金牛歡上來白虎認枯渠九津名金聲刀耕六水

碑同杜預書今日雪司前泥鴻爪意如何

題阮見田乘風使羽圖

展圖一霎長風起青冥橫開九萬里子今胡爲戢翼水一方使我
驤首望八荒日月浩蕩天光芒斥鴳蓬蒿鳩榆枋不見排空六翮
開其羣十年思之徒徬徨恨恨大鵬賦落落二鳥辭子有丹山文
采瑤圃姿紛紛鴟嚇奚以爲蒼不過千日成遊不待六月息元精
亘當中顥氣薄寥寂左翼拂扶桑右翼垂西極下視齊煙點海靑
一聲長唳天下白吸沆瀣兮餐瓊芝雷霆扇兮虹蜺隨丈夫快意
要如此洗盡平生鬱壘我昔逢石顥作希有鳥扶搖不過徒藩
籬子今海運正及時引吭側翅將待誰撫長劍把樽酒爲君起舞
回白首收君圖整君衣涼秋醉臥黃鵠磯仰看一掃闔闔浮雲飛
甘寓都澹軒以滿船明月圖索題二首時引疾歸鳩茲
秋江如此靜明月爲誰多亦欲牽船住其如夜發何暗川鄧萬金
壓詩卷兩岸足謳歌紫荻丹楓裏相看鬢已皤

倦矣卽歸去浮雲視一官多情章貢水相送使君灘夢穩波濤闊
裝輕天地寬蒼生正相望莫便臥漁竿

戴瀛仙臨江小樓作

樓前天岫疊青蒼樓下征帆俯杳茫一夜西風催布穀半江春水
上鯢鯢雨來竹瓦跳珠急月出隣牆送酒香健翮圖南聊息六翮
書遙對大鸞岡

題蔣莘翁太史桂林霜院本

太史掌教鼓山書院得馬文毅公粵西闔門殉難事實
於其裔孫西興驛丞某所演爲桂林霜傳奇太史時病
疴數夕而成余客豫章出以見示索余長歌

太史示我桂林新樂府出自扶風中丞之家譜整冠再拜一讀之
使我感激忘羈旅當時三藥同鳴張忠恩反噬梟目張望風叛帥

登降幟空城調遣愁牙璋匹磾收越石賀蘭坐視亡睢陽中丞胸鬱山河氣橫劍怒此齒嚼碎與上三閭笏擊樓獨標一柱擎天勢中丞有子走江紀綱九閭道矣

天子外援不至內憂生死守節旄旌已矣康熙十六年十月二十日天狗墮地地維折中丞身作長虹截二子獨樓欄糊血提以擊賊賊膽裂有僕突大從者九或斧或鎚赴賊喉庖丁韓青鏖賊手斃之焚奮聲作吼烏金鎗前屍抱肩十信無拜齧齧首饑鳥不下野獸走羣賊視之亦淚滿中丞妻妾及婦女四十七人血堆府香軀白練縱橫飛不聞號哭聞笑語序室一簇青蓮花散爲五色曼陀雨中丞有客及婦祖孤抱額血流離李翰終能表烈狀霽雲不愧稱男兒

天子輟朝爲悼懷贈白箋

詔下絡繹茂祠突兀倚雲霄白馬花竿何城城可憐七尺報
國軀不韋凌煙畫壁中丞有子來歸喪梧江痛哭梧不蒼
賜衣前捧山龍章柳文輔旆揚揚大書關門死封疆桂林從此
無嚴霜太史一一齋筆書關白之體帶門朕或如雷轟與電擊或
如鵠啼與猿呼或如荆卿擊缶漸離鎗或如道子繪像廉廣圖胸
中熱血噴一斗淋漓八尺紅瓊瑜安官收繳瘡鬼匿錢塘破陣爭
奔趨昔讀新城尚書二家傳未若君之正樂諧笙竿以鼓聞揚補
正史感歎要令起蒙思江城黑風吹樹急傾簷銀竹秋蟲入爲君
起舞歌一疊滿堂燈火無顏色中有孤臣之殺魄萬古茫茫收不
得君不見西興驛史老文孫捧卷吞聲淚雙滴

北蘭寺

萬竿脩竹北蘭寺颯颯山風初下時正齒新茶過社火漸看稚節

進香籬疏鐘送客鼠驚出急雨隔江鳩叫遲羈人何處暫相賞
明曰棟花開滿枝

題戴參軍西園射鹿圖

寒風獵獵生堂間素絲網罩霜草枯是誰妝束英姿殊修眉廣額
巖巖鬚錦兜鍪壓黑雲橫橫珣弓金僕姑五色怒鸞騰飛苑壯
上爭舞繡螭弧人荒清池青映糊飢鷹突擊催韓盧駭鹿追鷲藏
無區砉然鳴鏑貫厥頤曰此書生偉丈夫胸儲武庫雄訐謨從軍
慷慨膽氣麤欲提手中丈八殺賊直過伊吾廬翻身一躍龍沙
呼下馬露布磨盾書依然文采鉤珊瑚俗儒睽睽見此無丹青烟
烟人何如十年不遇黃公壚使我灑涕看茲圖

題清容太史香榭樓頌詞四首

一名詩情韻

乾坤今古大情癡舊恨新愁欲問誰豎出情關第一義費他天眼

與禪眉

萬劫莊嚴帝釋身
茫茫欲界誰緣因
羣花管領今何在
愁煞蓉城舊主人

香祖樓中一剎那
烏紗紅袖雨婆娑
自從天酒澆愁後
不唱人間長恨歌

白刃光中現寶囊
黃沙草起望夫山
臨行一滴人天淚
不贈羊家碧指環

題清容太史雪中入城四八首

清容將軍
高安事

延陵將軍天骨奇
千片能通朱馬橋
潮州少年醉入市
猶唱吳門鐵句兒

吹簫屠狗事何窮
蕭條須倩太史公
好對江南三尺雪
圍爐煮酒話英雄

雪裏呼來不問名。筵前飲啖看縱橫。主人沉醉壯士去。長嘯風雲從此生。

寶劍千金酒百瓶。天風吹放海東青。出門殺賊向何處。笑指梅花古驛亭。

片檄如飛海上馳。渠酋請齎盡王師。赤心用竭酬知己。奪取樓船十丈旗。

誰救羈囚李太白。狂感恩仍似郭汾陽。美人帳下橫吹笛。不遣聽猿到夜郎。

鴻毛一擲萬金酬。漲海移山氣未休。今日縹緲香閣盡。酒酣誰舞紫貂裘。

紅雪樓中新製歌。銅絃鐵板氣嵯峨。何人唱入通侯里。大海魚龍

夜湧波。

將軍留居海陽豐政制今改豐順縣

題清容太史四聲絃填詞二首

在廣陵秋
聲時作

去國飄零四十年
哀猿苦竹瘴江邊
憑君喚醒青衫夢
來聽西風

第四絃

二十四橋花月場
纏頭爭擲杜韋娘
也教得意人回首
彈出秋聲

沉幾行

題清容太史空谷香填詞四首

海內爭傳學士詞
金荅白石盡低眉
今朝又聽幽蘭操
涼雨燈花

紅豆垂

已向蓮華鬢裏過
天宮兒女恁情多
半江寒月一船笛
奈此才人

腸斷何

一串歌喉字字珠
愁心深比鵲山湖
不知碧落黃泉淚
曾爲當年

小滴無

情到神僊訴更難銀河清淺復波瀾春風向及修羅雨只作天花
不著看

張鍋魁歌

張鍋魁秦人鬻麵鍋魁於成都市遂以業爲名年二十
許爲征金川兵卒負糧赴軍營蠻酋四十餘從箐中突
出劫糧縛眾卒將及之鍋魁奪賊刀斫賊殆盡解眾縛
裨將聞其事報大將軍呼至帳中詢殺賊狀甚悉將官
以官不肯予之金不受仍歸賣鍋魁成都市中今尙在
崇甯米生同客樂安述其事余壯之泰州仲松嵐官蜀
時曾作詩在廣陵以示余余迺作張鍋魁歌

張鍋魁賣鍋魁成都市家無雙孥身無名眾卒強傲之負糧隨西
征猥何羣蠻奴伺伺笑赴之縛眾劫糧將屠之鍋魁怒跳呼左手

奪賊刀右手擲賊顙如風如電如霹靂賊盡屍橫目光瞿白曰爲
破裂刀氣橫淋漓眾卒言感恩偏裨言咄哉奇飛報大將軍呼使
來頭無巾足無完屣偏袒笑立不跪不揖曰稱鍋魁刀躍躍猶濕
將軍喜汝鍋魁汝殺賊幾何報功勿遲迴大旗悠悠萬夫無語帳
中秦聲青天風雨鍋魁思但知賊盡事了心快輕不知爲功不知
數賊顙腰環報大營將軍曰壯士吾當奏

天子官汝千人長錫汝金滿節錦袍貝帶冠峨峨有妻羅敷秦氏
女有牛有馬有羊豕鍋魁愚不願官職不願金與銀但願放歸賣
鍋魁長作太平一細民將軍笑聽之鍋魁棄刀走不顧仍挑鍋魁
擔叫入長街深巷去賣鍋魁滿城聞之駭曰疑士民撫腰臂婦女
看鬚眉咄哉奇偉也二十年豈真有力如虎豹鍋魁不讀書不識
字忠義何由知

國家風化百餘年，激此幽莽好男兒。
大牛噉芻豆，不如一羸特鶴子。
飛上天，能擊巨鳥沒。將軍班師入成都，
不聞張鍋魁呼。但聞城中人作歌，
不歌周南兔。野人詩歌我朝張鍋魁。

元曰入大安寺觀楊吳大鐵香爐同李召圃

江城元曰晴沙曠，袈衣同訪大安寺。
入門法象半傾欹，蟪蛄網戶烏銜地。
僧雛嘉茗指天泉，鐵爐手酌梯攀緣。
聞其四時不盈縮，嗟峨濕翠騰空煙。
人和僞號銘周帀，字識摩挲愁響揚。
國王府主語荒但勾當，女娘名雜查彭亨。
豕腹螭螻蛇土花剝落蓮花稀，有時一片裂落地。
罡風吹入龍沙飛，江南二十九州鐵小鑄。
鐘爐大者佛黃金塗墻，只尋常府怨崇食如一轍。
玉瓶翠椀空回首，施鑊廬山猶在否。
豈真佛力自維持，劫火不銷龍女守。
沉吟衰季等灰塵。

小坐荒苔話舊因，捨宅風流今已矣。何人能說謝將軍？寺為晉鎮西將軍謝

尚檢校建康山園通寺大梁園錢五府為南唐後主施以煮粥

送阮兕山之益州幕

洪厓雪鬢章江清，阮生擊舟別我行。酒酣迢迢望西極，負劍直上錦官城。成都太守雅好士，如君材華舊所傾。我思益州在夢寐，知君到處多逢迎。

朝廷新拓西南域，引緒天維盡同籍。南通島嶼藏北羌，番屯田守捉將軍急轉輸。通使上國，騰招徠，當與民休息。此皆幕府持籌事，豈獨區區天府國。君為情書之，交孫龍文豹彩。雄後昆磨盾殺賊今，無事見聞亦足資。經綸百澗花上浣，花里暇時且復尋子美劍閣。瞿塘險莫論，入蜀新詩從此始。

大孤篇

大姑踏江追小姑。翠山宮之不出湖。怒擎鴻夷力。倔強蟠插巨浸。
無根株。楚吳半壁割晴雨。青瑤白玉浮冰壺。西江文章節義氣。巍
然一柱獨撐扶。卅年七過揚帆望。變化精靈各殊狀。今夏南康湖。
穩流煙鬟鏡裏搖清曠。徑呼一葉破空明。澹日夷猶若相讓。山根
繫纜尋幽勝。攀藤披竹緣纖徑。瀟瀟石氣慘雪飛。蟻伏螺窮駭無
磴。青冥旋轉任天風。從茲所歷非人境。雲中雞犬飄徐徐。仰穿綫
縷得精廬。巖房花木倚天削。枯松倒挂蒼龍鬚。撞鐘伐鼓僧色沮
芝旗寶馬來須臾。樓巔才下俯岌岌。一聲長嘯百靈集。獐獅猛象
誰敢立。瞑踏老蛟驚欲泣。重湖不見水一痕。惟有匡君相拱揖。此
時欲駕大鵬歸。此際如將黃鵠依。十年慷慨鬱壘壘。化作灝氣橫
空飛。登臨賈勇無選備。但愁冉冉夕陽墮。他時再賦小孤篇。相望
更鼓江州舵。

蕪湖聞周雨峯學博沒於京師詩以弔之

風義曾兼師友論傳來凶問恐非真頻年海內凋名士

周白民諸子皆下世

幾日江頭哭故人剩有篇章誰質證不聞鄰笛已酸辛他年獨上徐君墓劍乏千金更愴神

當塗胡丹崖明府席上晤楊孫舉李半頁

遺道秋來念友生霜江花署有逢迎將軍舊賞租船客才子仍兼幕府名對酒病餘差賭勝聞歌老去亦關情凌歊臺上煙嵐富更許乘春蠟屐行

如泰

沃

男姪

聲有普孫啓

豐校字

裕幹

光